



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

16. Galla vidua amore castitatis barbata.

urn:nbn:de:hbz:466:1-45686

*340 Cap. LVII. Causa monitrorum ex parte Dei benefacientis.
mei vocabuntur? Absint à me tales nuptiae? Quæ nullas volo,
etiam acceptabo inhonestas? Quàm infandus hic esset Hyme-
næus? An non*

*Pronuba Tisiphone thalamis ulularet in iussu?
Et caneret mœstum denia carmen aus?*

Primùm precibus agens,

*Da mihi perpetua genitor charissime, dixit
Virginitate frni, dedit hoc pater ante Diane.*

*Postea etiam grauioribus verbis tedas iugales execrata est.
Vidisses contrarios vtrinque motus. Quantum filia à tali
connubio abhorrebat, tantum impurus parens ambiebat, cuius
desiderium ipsa negatione incendebatur. Itaque in eo res erat,
vt filiam quantumvis matrimonium detrectantem, regia po-
testate adigeret ad nuptias adornandas. Quòd fugeret inno-
cens virgo; iubente patre, cogente rege, nisi ad eum, qui est
rex regum, & naturæ Dominus? Illum ergo contentissimis
precibus oravit, vt id, quod patri maximè esset illecebrosum,
& cauſa tam infandæ petitionis, in se mutaret, formamq; il-
licem insigniter deuenustaret. Audijt hoc votum Deus, atque
vna nocte ita eam vehementer deformauit, vt die altero viri
non feminæ amplius speciem præferret. Barba enim hispi-
da, & prolixa mentum illius genasq; contexit vndique, verum
hoc omnibus & subitum monstrum videbatur. Parens ita de-
mutatam nec pro femina, nec pro filia agnouit, sed, quod
comperisset, esse Christianam, diris eam tormentis subiectam,
tandem in crucem clavis affixam crudelissimè interemit; hoc
ipso postea, in toto terrarum orbe celebratam, quia barbata
virgo mori maluit, quàm incæsto coniugio fœdari.*

XVI.

Matth. 10.30.

Luc. 21.18.

*Tanta est Numinis prouidentia, tanta Conditoris cura,
vt Christus verè dixerit: *Vestri capilli capitis omnes numera-
ti sunt;* & quidem ita numerati, vt alibi addiderit: *Et ca-
pillus de capite vestro non peribit.* Quod si capillus de capite non
cadit, sine prouidentia Dei, multò minus sine eadem prouiden-
tia illi accedit. Numinis igitur & sapientia & bonitas est,
etiam fœminæ barba, sub qua tutò castitas potest latere, quæ
utique plus pulchritudinis habet, quàm illa etiam in hoc sexu
barba.*

barba monstrositatis. Quare etiam in hunc numerum apponenda est Romana illa vidua, de qua D. Gregorius ita scribit: *Gothorum temporibus Galla huins urbis nobilissima puella Symmachi Consulis ac Patrii filia, intra adolescentie tempora marito tradita, in unius anniversario, eius est morte viduata, quam dum ferente Mundi copia ad iterandum thalamum & opes, & etas vocaret, elegit magis spiritualibus nuptiis copulari Deo, in quibus à luctu incipitur, sed ad aeterna gaudia peruenitur, quam carnalibus nuptiis subiici, quae à letitia semper incipiunt, & ad finē cum luctu tendunt. Huic vero cum valde ignea corporis conspersio inesset, cœperunt medici dicere: quia nisi ad amplexus viriles rediret, calore nimio contra naturam barbam esset habitura. Quod ita quoque post factum est. Sed sancta mulier nihil exterius deformitatis timuit, quae interius sponsi caelestis speciem amauit: nec verita est, si hoc in illa fœdaretur, quod a caelesti sposo in ea non amaretur. Mox ergo ut eius maritus defunctus est, abiecto sacrulari habitu, ad omnipotentis Dei servitium se se apud B. Petri Apostoli Ecclesiam monasterio tradidit, ibique multis annis simplicitati cordis atque orationi dedita larga indigentibus eleemosynarum opera impendit. Cumque omnipotens Deus perennem iam mercedem reddere eius laboribus decrenisset, cancri ulcere in mamilla percussa est. Nocturno autem tempore ante lectum eius duo candelabra lucere consueuerant, quia videlicet amica luce non solum spirituales, sed & corporales tenbras odio habebat. Qua dam nocte quadam ex hac eadem iaceret infirmitate fatigata, vidit B. Petrum Apostolum inter utraque candelabra ante suum lectum constitisse. Nec perterrita timuit, sed ex amore sumens audaciam exultauit, eiique dixit: quid est domine mihi, dimissa sunt mibi peccata mea? cui ille benignissimi, ut est, vultus, inclinato capite annuit, dicens: dimissa, Veni. Ita igitur ad celestia regna viam inuenit Galla, quae maluit esse barbata, quam maritata.*

Capitis hucusque & mamillæ defectus utiles extitisse ostendimus, in alijs etiam totius corporis vitium morbusq; virtuti profuit. *Angadrina virgo, in Gallia, Lothario regnante, fuit, quae cum a parentibus Ausberto Principi viro, qui postea Rothomagensem Ecclesiam erexit, inuita desponsaretur, multis cum lacrymis*

S. Greg. lib. 4^o
dialog. c. 13.
Vide de hac
ead. Fulgen-
tium in ep ad
Gallam.

XVII.

Sur. tom. 1^o
in vita eius.

Kkkkk. 2

lachrymis